

## CONVENIO DE COLABORACIÓN ENTRE O SERVIZO GALEGO DE SAÚDE E A FUNDACIÓN PAIDEIA GALIZA PARA O DESEÑO E EDICIÓN DUNHA GUÍA DE CORRESPONSABILIDADE FAMILIAR NO ÁMBITO DO COIDADADO DAS PERSOAS CON DEMENCIA

### MEMORIA XUSTIFICATIVA

A xerente do Servizo Galego de Saúde, **DECLARA:**

Que o Servizo Galego de Saúde e a Fundación Paideia Galiza asinaron o 31.03.2023 o convenio arriba referido. O prazo de vixencia do convenio é desde o día seguinte a ser asinado ata o cumprimento total das obrigas contraídas e aceptadas polas partes, salvo denuncia expresa de calquera das partes cunha antelación mínima de 15 días naturais á prevista para a finalización da súa vixencia ou resolución anticipada. En todo caso, o obxecto do contrato deberá realizarse antes do 31 de decembro de 2023.

Que o instrumento convencional ten por obxecto a colaboración da Fundación Paideia Galiza coa Unidade de Demencias do Servizo de Neuroloxía do Complexo Hospitalario Universitario de Santiago de Compostela a través do deseño e edición dunha guía de corresponsabilidade familiar no ámbito do coidado das persoas con demencia para entregar aos familiares dos/das pacientes da súa unidade.

Que o convenio fundamentouse no seguinte:

A Consellería de Sanidade, a través do Servizo Galego de Saúde, ten dentro das súas funcións a atención integral da saúde das persoas.

O autocoidado responsable é un elemento clave do novo modelo de asistencia sanitaria que promove o rol fundamental que ten o/a paciente na xestión da súa saúde. Aínda así, gran parte da poboación encóntrase con dificultades relacionadas coa adquisición de estilos de vida saudables, a adherencia aos tratamentos e a xestión dos síntomas asociados ás enfermidades crónicas.

A Estratexia SERGAS 2020 establece liñas de actuación orientadas á atención integral adaptada ás necesidades de pacientes, familiares e persoas coidadoras. Como elementos claves sinálanse:

- Potenciar a capacitación da cidadanía e pacientes para que poidan asumir o coidado da súa saúde con responsabilidade.
- Desenvolver actuacións que melloren os resultados en saúde da cidadanía e pacientes, como a posta en marcha de actividades formativas e informativas, para dotalos de coñecementos e

habilidades sobre cuidados que permitan mellorar o manexo da súa enfermidade a pacientes con procesos crónicos.

Neste sentido, a concreción de acordos con entidades e institucións que permitan emprender a posta en marcha de iniciativas no ámbito da formación e a información orientadas á mellora da atención a pacientes con enfermidades crónicas, constitúe un elemento adicional e complementario aos esforzos que dende a Consellería de Sanidade e dende o Servizo Galego de Saúde se veñen realizando e se seguirán desenvolvendo no futuro.

Pola súa parte, a Fundación Paideia Galiza é unha entidade sen ánimo de lucro que ten por obxecto, entre outros, a realización e promoción de actividades de interese educativo, científico, sanitario ou outros de análogo interese humano ou social; para o cal, pode cooperar con calquera persoa, organización e institución para a difusión e fomento de iniciativas e actividades relacionadas coa consecución do obxecto fundacional.

A Fundación Paideia Galiza colabora coa Unidade de Demencias do Servizo de Neuroloxía do Complexo Hospitalario Universitario de Santiago no proxecto do Grupo Hospitalario interdisciplinar de apoio á persoa cuidadora de pacientes con demencias, que ten como finalidade mellorar nas pautas de cuidado destas persoas.

Os datos dispoñibles sobre o perfil das persoas cuidadoras informais de persoas con Alzheimer, reflicten que unha alta proporción considera que non dispón da formación necesaria para poder cuidar do seu familiar, e unha marcada tendencia a concentrar o cuidado en mans dunha única persoa cun importante compoñente feminino, o que leva a falar da "*feminización dos cuidados*".

Por todo isto, con carácter xeral, é necesario mellorar a calidade da información que reciben pacientes e familiares, así como as súas capacidades e habilidades en relación coa xestión das enfermidades crónicas.

Por este motivo, considerouse que a dispoñibilidade dunha guía informativa para as familias acerca da corresponsabilidade compartida, dentro da unidade familiar e dos recursos externos na súa totalidade, é de gran interese para desterrar, na medida do posible, a figura do cuidador único e poñer en valor o cuidado dende unha perspectiva centrada na familia.

A sinatura deste convenio permitirá elaborar e editar unha guía informativa para entregar a familiares de pacientes con demencias, que contribúa a mellorar o seu coñecemento da enfermidade e os seus cuidados, a utilización segura dos medicamentos indicados, así como promover a corresponsabilidade familiar no ámbito do cuidado destes/destas pacientes.

Os intereses converxentes das partes asinantes exclúen o ánimo de lucro, e non podían satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento



xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

